


程





石倉十二代詩選

明次集卷五十三

南峰遺稿

大明

吳縣楊循吉著  
後學曹學佺閱

黃河阻風有作

風乃天之威可有不可弄如何兩晝夜赫赫操  
柄用小舟亦何力乃欲當鼓動况在四野間號  
怒聲亦縱蓬苦盡翻飛撈摘疲僕從客子不敢  
起卧久筋骨痛衾裯冷如澗雙脚盡僵凍早炊  
告將及乏米自探瓮幸有文字携曾不廢吟誦



晴明坐可待日影來隙縫人居忘道途于茲復  
淹壅因憶向所經一一皆成夢

抄書

沈疾已在躬嗜書猶不廢每聞有奇籍多方必  
圖致手錄畏辛勤數紙還投弃買人供所好恒  
輟衣食費往來遶案行點畫勞指視成編亦艱  
難把玩自珍貴家人怪何用推却從散離亦蒙  
朋友笑既宦安用是自知身有病不作長久計  
偏好固莫捐聊爾從吾意有子雖二人未知誰

可遺我但要披閱豈復思後世逢愚聚亦散賢  
卽能添置區區慮遠心何其錯爲地不如供目  
前開卷有真味

題書厨上

吾家本市人南濠居百年自我始爲士家無一  
簡編辛勤十餘載購求心頗專小者雖未備大  
者亦略全經史及子集無非前古傳一一紅紙  
裝辛苦手自穿當怒讀則喜當病讀則痊恃此  
用爲命縱橫堆滿前當時作書者非聖必大賢



豈待開卷看撫弄亦欣然柰何家人愚心惟財  
貨偏墮地不肯拾壞爛誰與憐盡吾一生已死  
不留一篇朋友有讀者悉當相奉捐勝遇不肖  
兒持去將鬻錢

吾家詠陽山雲泉菴大石奉和諸公同遊聯句

漫之作

偉哉此陽山有石俟歌誦形將冰塊截勢與蓮  
花共仰觀一何高登陟不可鞞鳥飛必徊翔雲  
出自騰滄孤圓外成嶠空朗中含洞瘦如辟穀

良清若食蚓伸深思殆天設乍至令人恐濃蘿  
作垂陰寒泉滴爲凍戴菴亦顛危携觴更交綜  
耳脇或駢攢勒拳時獨送巍巍上少壘森森下  
多從荒厓始誰開倒樹諒非種在茲三吳間當  
以九鼎重崇巖借冠冕卑巒聽提控勞呼猿固  
匿被壓松堪訟曲躬始得門側身還入街拂苔  
劣容眠收乳兼資用志猶記秦餘材遏遺禹貢  
立久氣濕袍嘯高聲答瓮論年越殷周言時晦  
唐宋一爲佛者居永作遊人奉病宜謚著史寐



稱搏養永四方傳不誣諸公評切中臨谷足還  
酸乘巔目偏縱支頤記厭看極目難竭諷鬼鑿  
手須胼鯨負背應痛東岱徒小魯西華繆推雍  
懸磬風發明香爐煙結供曝沙伏靈龜食岡停  
遠鳳是知隆拔羣所貴秀合衆偷餘殿容棖就  
際亭閣棟枯藤蔓穿竅長蛇舌撩縫輕盈受指  
彈玲瓏脫泥壅芾拜本無忝羽撼爭得動栽培  
稀尺閒構架靡寸空炎伏涼自生清秋月堪弄  
林深必賴燭嵐酷能作躡星光猶立芒龍吟殊

叶碛嶺獅馴以賓阜獰敢與閔久嗟隔勝賞頗  
勞落清夢卽欲營終棲其柰懷微俸

靈谷會宿次韻

靈谷古名刹四圍山成翠梁人之所建唐碑猶  
未毀入門青松密緣徑野花媚清居特幽深竒  
境自零碎無泉不濟渴有石可眠醉茲遊時日  
良在會賢豪備溪漁薦肥鮮野果羅甘脆縱橫  
鞍在馬掩映袍明雉喧喧笑語冷袞袞酬酢亟  
惟彼官坐衙有若賈居肆苟非自抽拔終當老



關閉孤忠林員外大魁儲主事周公以鄉集余  
子用隣至誰知四海望乃今一日萃名爲問疾  
病實則尋遊戲高步履聲遲雄辯詞鋒利興實  
入雲鴻才捷追風驥天涼秋可坐月皎夜不寐  
主人雖好客難免紙筆費

詠蓮房

白露褪紅衣亭亭挺寒碧污泥乍相辭衆果何  
敢敵倒持若覆杯平放如架幘折莖脆連絲啖  
實甘流液味帶胡波鮮態合溪雨側蜂巢開戶

牖蠶爾謝泝澣債今笑鷹多駢甬釘頭積誰知  
心獨苦却訝紋常襞樽前憶吳歌老去傷國色  
何慚登鼎俎自可利胸膈截來馬蹄圓剗出魚  
眼赤謫仙號猶存濂溪愛非假奴視粟與黎句  
賞主爲客時新想南濠土產誇東瀨水神怒擎  
拳溪女采畱跡感子遺瑤瓊深情在鄉邑

石假山

何哉竒復竒聚此照眼碧玲瓏千百竅突兀八  
九尺中居獨尊嚴傍擁互扶掖猊雄怒張吻馬



瘦高見脊枯藤絡巖生老檜鑽岨圻網湖水獻  
寶斧山雲失宅飛來鷺峰峩推開劔門割狎觀  
常解帶肅拜或呼憤勢掩肺腑層形標拳臂隻  
浪淘猶見紋虎爪仍存跡朝惟講僧坐夜乏將  
軍射三槎非可參一拳茲乃積風雷蓄深杳花  
草栽狼籍磨堪鏡功名眠可携被席曲折畫手  
知巧妙詩家得陟磴披翠篁臨池扣金鯽林泉  
釣初心漁樵盟舊癖空支九節杖莫縱千仞屐  
窗窺雖眇小意賞同弘碩幸忝司郡人寧愁竊

中夕

都下夜集對雨

高筵啓秋雨頓爾淨餘燭階前渠溜走燈下簷  
花落蕭蕭贊歸懷潺潺亂歡譁來同銜枚陣響  
失巡更柝積陰已連朝浮潤先微昨塵消目俱  
清風生窗盡廓卑棲雞自鳴餓勒馬方嚼滴成  
旅况愁罰遣吟筆閣一笑紀新詩趨朝明又各

送楚巖往支硎山

昔有支公者曾爲此山客至今石磴上猶存馬



歸迹寒泉出，傷澗散漫流。不息何人作，大字筆勢甚奇特。巖巖圓通殿，飛構爛金碧。春來香火盛，傾城出遊適。施錢日滿鉢，來往恒絡繹。世人競刀錐于此，乃不惜我當少年時。一歲嘗一卽提携，隨父兄娛覽。常至夕別來已幾時，何啻十年隔。此山是名山，先從晉時闢。非有高行僧，何堪主其席。今師遂當往，遠續前人蹟。我今何以贈小謁，聊塞責切煩。大士前我爲啓胸臆，慧眼無不觀。是物皆潤澤，如何不見我。因此塵俗役

願垂楊枝露灑我一點滴，不願官祿高不求財。寶積但願塵勞中，早脫奔走厄。無災復無難，居家作禪伯。保此清淨心，永離種種色。與師結晚交，來著登山屐。

淨公住東隱

山水誰不愛，顧乏能遊人。澗中本多勝，石秀而泉淳。向者雖一到，終是居官身。抱官遊山水，味自不相親。今子遂當往，我亦解朝紳。相從巖谷裏，以子爲依因。子將舊草履，我有新葛巾。滴泉



與片石務搜天所珍

殘雪

殘雪經時久常聞簷溜聲  
謂晴階又濕疑雨日  
還明地背融偏後宵  
寒凍復成不妨留  
尺寸借爾照書楹

交來旦公任寶積寺

古寺石湖邊爲僧今幾年  
開堂小遊戲出世大  
因緣生死一夢耳  
江山常熾然遙知未  
句子不肯向人傳

鄂首座還山

病中承數過清話  
一爐香對食同  
甘菜忘形不下床  
壁間懸笠破門外  
倚藤方惆悵明朝  
別何人訪寂鄉

嚴長老歸寶積

黃蘆寶種寺創自鏡禪師  
佛殿已百歲僧房今  
六枝洞房山出牖  
笠澤水通池他日  
吾將到來題壁上  
詩



歲除當此夜灑掃事匆匆井上皆封草門前盡  
畫弓祠堂神影挂客座佛筵崇撒豆祈兒疾存  
炊忌釜空辟瘟燒木爇承俗燎柴紅啓篋新衣  
振除庭舊室攻買錫迎竈帝酌水祀牀公春帖  
題鄉窳年書誦學童插籩皆拍葉戲火有梨筒  
殘曆收年盡深缸洗臍終市闌驕物貴隣里饋  
糕通未識他州節於斯異與同

元已見過

忝作城南酒主人盤殮雖少意偏真中年流落

堪垂淚荒里經過每借春久伏海鄉諸念息一  
逢朝士偶聞新興懷及此能無感當念休嫌歎  
息頻

見白髮

料應白髮有來時三十登頭似未宜愁已生根  
從汝摘老先呈態要人知莫勞曉日梳千下終  
見秋霜起一絲若道只因詩故白隣翁元不會  
吟詩

果前堂南歸



雲水飄然一老僧頭顱種種貌稜稜人間正果  
俗將滿海內名山遇卽登向外見來終不實從  
前學得是無能此歸莫向舟中結且卧隨身七  
尺藤

東昌贈朝用同年

雪晴相訪滿階泥流水淙淙總入溪名黍同年  
雖幸甚會從開牘已難齊杯盤簡儉情偏厚器  
局深沈語益低一夜東昌城下泊歸心非緩爲  
君羈

寄賀故人新受河間學職

別君無幾聞君選知在河間作教官花遶郡城  
皆茨藕味多鄉物是魚鰻在京故舊通書易按  
部台司責禮難請得俸糧休別用多抄經籍老  
來看

新治小軒成

費將心力治齋居細竹移來葉尚疎雪白囑光  
鋪榻眼鴉青布色染簾裾規模別出經營外景  
物新呈晦沒餘髹壁正妨童穉汚粉牆還待友



朋書今宵纔是題詩起此席方為讌客初前郭  
後村無曠地相過莫訝少寬舒

滴露菊

花露秋香滿紫苔芳根重見一枝開何當移取  
金莖去雲表和將玉屑來

時台錦雲紅

僊娥雲錦織鴛鴦機吹落花瓣欲飛留在山家  
無客處容教玉女剪春衣

賽西施

越國佳人天下奇此花尤更美丰姿當時若使  
吳王見肯醉芙蓉太液池

不調白西施

膩粉脂容玉雪膚花神瑩白羨吳姬秋風素魄  
東籬下不逐鴟夷泛五湖

中黃醉楊妃

一枝無力倚娉婷曾記真妃酒未醒不道沈香  
亭畔寵秋風籬落易飄零

神王孩兒菊



歷代詩選 明樓君詩  
軟玉肌膚膩粉姿  
啼痕彷彿露香垂  
一枝低卧  
苔煙上似向花房壓  
被時

勝黃金

中黃一氣稟坤宮  
苑北園南色更濃  
總使秋陽如烈火  
肯隨朝露便消融

玉錢菊

不隨九府鑄青銅  
刻玉雕瓊巧用工  
憶共花鈿零落後  
至今狼籍怨秋風

寒菊

金蕊熒煌翠葉圓  
移栽花屋最宜看  
一冬齋閣深深閉  
留待秋香到歲寒

黃牡丹

京洛豪華迹已陳  
姚家春色對何人  
于今寂寞東籬畔  
又作黃花十度新

小金蓮

黃金小朶爛光輝  
曾近雕闌照繡衣  
幾度醉看花上月  
絕勝宮燭夜深歸

白荔枝



歷代詩選 明樓君讀  
娉得嬌如十八娘，肥膚清潤雪生香。阿環此日  
能相見，憶却金盤玉露漿。

黃金玉菡萏，水戰會波飄。團扇餘光羨，雙頰  
分得瑤池種。最奇半含香露尚開，遲風清月白  
東籬畔，猶憶江邊欲墮時。

紫丁香  
京谷紫丁香，刺棘春色撲何人。干今寂寞  
番舶何人得種來，紫尖香藥果奇哉。春風枝上  
相思恨，結到秋深尚未開。

金蕊玉兔華，葉圓珠葉最宜春。一冬齊開  
廣寒玉兔落陰精，秀結秋風一種青。却笑風霜  
憔悴死，虛勞搗藥濟長生。

鴛鴦菊  
流鶯鴛鴦菊，東顧金鸞不愛紅。青華正開門前  
韓朋魂魄舊風流，結就花枝也並頭。千載未消  
連理恨，尚留殘蝶戀深秋。

鶴翎白  
誰向鶴翎白，不似金鸞不愛紅。青華正開門前  
何處仙胎脫縞衣，傲霜枝上弄清輝。可憐不得  
青田夢，幾度臨風祗欲飛。

剪鵝翎



鴉鴉霜毫蛻滿池天工碎剪上花枝折來插在  
烏紗畔絕勝春蛾點鬢絲

麝香黃

誰向西風剖麝香餘芳濃染露華黃秋光老圃  
無人識石竹叢叢蔓草荒

鶯羽黃

流鶯春夢落東籬金縷衣裳憶舊時五柳門前  
飛不去羽毛零露作花枝

疊雪羅

宮衣朝賜雪生香團扇春風日正長此際看花  
還舊色重陽錯認是端陽

僧鞋菊

鳧鳥當年巧製裁會隨老衲步雲臺逃禪誤落  
東籬下化作霜花九月開

銷金菊

誰抹泥金上絳綃要將花蕊鬪春嬌党家帳裏  
清歌歇一點餘香尚未消

金鈴菊



黃宮小朵綴金鈴風動花枝似有聲  
會憶絳羅幃幄底飛來山鳥亦相驚

玉連環  
雕瓊刻玉闕玲瓏奇巧分明出化工  
都作連環鈎結相不教花片逐春風

蠟瓣紅  
燁燁丹葩滴露濃蜜脾光暖惹遊蜂  
花神恐怕偷香去故把芳心絳蠟封

紫霞杯  
臨風翠袖立徘徊似捧流霞漱澀杯  
却憶當年陶令宅花前幾度玉山頽

百花菴主見訪  
一春高卧只垂簾說着浮名病又添  
聞道百花菴可住他時容我讀華嚴

石倉十二代詩選

明次集卷五十三

終



黃宮小朵綴金鈴風動花枝似有聲  
曾憶絳羅幃幄底飛來山鳥亦相驚

玉連環

雕瓊刻玉闕玲瓏奇巧分明出化工  
都作連環鈎結相不教花片逐春風

蠟瓣紅

燁燁丹葩滴露濃蜜脾光暖惹遊蜂  
花神恐怕偷香去故把芳心絳蠟封

紫霞杯

臨風翠袖立徘徊似捧流霞瀲灩杯  
却憶當年陶令宅花前幾度玉山頽

百花菴主見訪

一春高卧只垂簾說着浮名病又添  
聞道百花菴可住他時容我讀華嚴

石倉十二代詩選

明次集卷五十三 終



石倉十二代詩選

明次集卷五十四

海釣遺風

大明

山海衛蕭 顯著

後學曹學佺閱

舟中寄答諸相知先生

傷離懷故人無由一縮地和得相思詞殷勤附  
 驛使詞中何所云交好情難昧落日動客愁臨  
 風起遐思棹驚白鳥翻呀轉青山厠隔水有煙  
 蘿搖搖見蒼翠數日計行期流光若飛騎丈夫  
 不家食到處聊適意况有臨風語矢言遵所示



卽事

遙憶江南景寒梅冬著花上元柑飽穀穀雨茗  
收茅此口聞邊雁迴風帶暮鴉歸山不輕出淨  
寂似僧家

鎮東樓同陳司馬飲

登賞因逃暑吟哦幸遇君雨餘山水漲風細野  
芳芬近渚鷗尋侶排空雁逐羣庾公千載後高  
興許誰分

種竹

種竹西涯滿清風日在君故根依淨土新葉拂  
晴雲簇簇龍孫長脩脩鳳吹聞我行頻欲過藉  
此避塵埃

遊普定寺次方伯周子建韻

坐閱殘經久興亡一夢中方塘澄水月曲澗響  
松風禪悟三乘妙心虛萬法空我來幽興發吟  
對晚霞紅

送鄭侍御坐失儀外補

十年持豸斧到處卽聲馳病骨峻層日天威戰



慄時朝參元自重聖澤本無涯暫借親民瘼無  
煩歎別離

蔭秀亭

愛此園林好憑高眼界餘鯨聲吞海濶鶴迹印  
沙虛午餉炊農飯晨興課子書天機自流動何  
必詠鳶魚

圍春庄山居

過山庄便是十里路非遙白鶴鳴孤嶂清聲徹  
九霄海翁閒弄釣野水暗通橋明月清風侶來

時不用邀

送劉信之分教雲陽

宮漏催殘欲曙天儒官辭闕向西川過家白髮  
憐親老分教青衿得士賢舟出九江春見雁道  
經三峽曉聞鶻吾鄉自昔多才俊師席聲華到  
日邊

謁陵

面辭丹陛謁皇陵十里橋前盡却乘國祚萬年  
綿大統鼎湖千載憶遐升更催玉漏猶殘滴班



列丹青最上層祀事已終歸去急擬陳哀頌愧  
非能

邀李西涯遊城西寺

曉日聯鑣出帝州西園名勝共君遊看花已覺  
今非昨觀稼還知歲有秋果雜冰盤高樹下酒  
分磁甕小橋頭投壺對奕心俱適忘却人間別  
有愁

次王守備韻

草亭新構絕塵侵雅稱將軍逸樂心能以文謨  
資武畧頗令城市有山林秋清撫景詩頗詠公  
暇娛情酒謾斟晚節更憐叢菊在西風吹綻滿  
籬金

將至清泉懷諸相知

朱函寶冊下堯廷千里兼程水陸經避節塵氛  
天外靜對船山色雨中青源泉去我餘三日瀚  
海何人識二星尚憶昔年遊賞處一杯曾共醉  
林垆

題竹



此地重逢挺節筠清風瀟灑最怡神十年濶別  
渾如舊竟日相看不厭頻采采鳳鸞鳴盛世珊  
瑚環珮下巖宸歲寒有約期無負進暮林間定  
可親

示子孫

尋常拂拭舊琴星心賞音諧手未停郭外探春  
花欲發庭前欺雪竹還青風回海釣機心息月  
上山窗塵夢醒曉起教兒讀周易客來休問太  
玄經

圍春莊雜感

三十年來涉宦途乞歸華髮半頭顱依山結屋  
塵偏靜臨水觀魚興不孤野老崎嶇尋橡實林  
僧談笑斷松腴離家幾作還家夢一夜團欒肉  
骨俱

其二

六十九翁過洞仙杖藜渾不憚躋攀琴書携取  
消晴晝水石憑將慰老顏閒把綸竿清瀨處醉  
眠茅屋白雲間有時徙倚闌干立日斷孤鴻天



外還

南海

入夜潮聲十里聞  
氣連霄漢自氤氳  
舟航吳越長風便  
襟帶幽燕孔道分  
蛟在室中吞怪物  
蜃成樓處見妖氛  
有時三島開晴霽  
彷彿羣仙擁絳雲

鎮東樓

城上危樓控朔庭  
百蠻朝貢往來經  
八窗虎敞堪延月  
重檻高寒可摘星  
風鼓怒濤驚海怪  
雷

轟幽谷泣山靈  
幾回浩笑掀髯坐  
羌笛一聲天外聽

述事用唐人早朝詩韻

春期已盡曉猶寒  
吟徧羣峰獨倚欄  
桃種豈殊仙子宅  
松封曾號大夫官  
日長人靜門重掩  
雨過苔深徑不乾  
愛此山林真有癖  
早投簪紱未曾難

士常席上送乃兄士儀

東樓杯酒惜離羣  
柳色春光日未分  
姜被劇談



中夜雨祖鞭遙指出關雲山城朔雁聯翩起野  
店昏雞遠近聞邂逅別來相憶地醉歌終日任  
醺醺

卽席贈士常

病後休聞久廢詩強開涓滴共相知也堪筋力  
逢春健不為盤飧竟日辭庭雀脫籠舒倦翼轍  
鱗驚雨振枯鬢相看各有飛揚意醉解吳鉤贈  
別離

卽席懷鳴治

風流不見謝臨川俊逸空慚李謫仙得句向人  
誰可否論交于世幾方圓小車望斷幽花外短  
屐行來古樹邊落日在庭猶擁篲不勝春思滿  
離筵

元基席上再送士儀

離席因君薦木桃碧釭新酒瀉春濤詩盟遞結  
東西社坐客平分上下曹簾動午風花氣暖几  
當晴日篆煙高狂歌亦是驪駒曲三疊陽關意  
未豪



遊廣恩寺

五粒松間一草亭四窗虛敞不須扃乾坤著此  
容吾到江海逢人笑我醒寥落東林修淨社摩  
挲華表蝕殘銘杏花滿地飄紅雪到手深杯莫  
放停

其二

慣客山童說果名又將幽事惱春情杏林百匝  
尋奇句竹院三回說舊盟酒甕倒傾香不斷花  
枝頻折意還生林鳩喚雨催行急敢為田家惜

此聲

遊慈恩寺二首

十年曾記此中遊今日重來未白頭楊柳柴門  
孤犬吠枯棹蔬圃一泉流行携野酌隨陰坐醉  
聽溪童隔水謳城市絕憐丘壑地不須更問五  
湖秋

海水周遭寺若浮忽驚人世有滄洲塔鈴晝語  
諸天近石藉涼生五月秋鶴避茶煙歸別院燕  
衝花雨度重樓酒酣不盡登臨興擊節聊為馬



上謳

永光寺送大叅周子建

春風將解潞河水把酒分歧意未能山寺有僧  
留夜榻野航無伴對寒燈江南芳草隨人綠海  
上遙山隔樹層踏徧中原今萬里五雲高處看  
飛騰

端溪研

千年山骨漱江流誰鑿端溪一片秋清潤每疑  
合宿霧澄泓長似注寒湫玉堂有客憑揮翰油  
幕何人待運籌因意通家王太史併將珠玉爲  
君投

半當聽雨亭聯句

只尺知心念久違玉堂空負小盆池鳴階雨驟  
留窗霽隔院香清許座移爲惜殘紅還擁蓋不  
須浮白已成詩明年此會應無阻珍重高軒再  
過之

晚榆堂聯句

吉日鳩工兆墨新旌麾忽過擁比隣敢云慶澤



流來遠莫厭公餘到此頻采采鳳鸞能接武飛  
飛燕雀故係人吾家孫子休言隘玉宇瓊樓一  
樣春

東樓豨句

臨池老肘揮柔翰點綴深慚墨與丹妙到鍾王  
真未易飲兼文字古猶難谿雲過檻蛟龍近海  
宇當樓眼界寬一曲清歌時送酒倩誰移入畫

圖看

過君山

萬丈水晶宮一點青螺濕雲暗鼎龍歸竹隨湘  
女泣

老松

材大難為用誰將此老悲空山獨高潔不怕雪  
霜欺

小景雜咏

木脫青山下亭開翠水涯孤舟蕩雙槳何處訪  
相知  
碧樹俯清流高人愛獨坐讀罷發長吟不知斜



日墮  
春思日無涯春園景最賒蜻蜒綠底事飛上海  
棠花

送劉令次陸鼎儀韻

黃金臺上暮雲層惆悵無媒欠一登暫歛聲光  
歸舊洞綠蘿陰底看陽冰

圍春堂雜興

數椽茅屋薜蘿深卧聽樵歌自遠林罷却琴書  
閒却釣不知何處有機心

采采黃花滿徑深蕭蕭紅葉滿秋林無端此日  
相思處千里書來一寸心

賞墨香亭

白雲司遠望中深瑟瑟秋風奏晚林惆悵關門  
吟賞處滿籬黃菊故人心

題鄭時暉繡衣畫梅和張東海武選韻

清夜珊珊響珮瑤羅浮夢斷酒初消美人何處  
遊仙去獨有遺容傍野橋

遊武夷九曲和朱公先正韻



九曲仙蹤護百靈仙童時弄玉簫清輕搖畫舫  
尋真去時聽飛泉漱玉聲

晴日曛曛薄暮開九灣新漲碧瀉回山靈莫道  
茲遊晚還許春風鼓柁來

蕭顯字文明山海衛人成化壬辰進士授兵  
科給事中有武臣連中貴張大邊功欲邀厚

賞公取其奏批駁之直聲大振又上疏陳時  
弊斥神奸左道語尤激切一旦忽 命中貴

召至左順門面詰之公隨事應答語意詳明  
乃蒙慰遣在職八年 內旨傳陞外任所司

擬隴州同知不報仍與遠地旋改鎮寧

孝宗紀年量移衢州府同知晉福建按察司僉  
事致仕歸築圍春山堂以吟詠自適徐穆爲  
之記年七十八而終公初號履朴晚乃更爲

海鈞云

附 賀欽 字克恭廣寧衛人

戲贈友人張解州

平生少陵詩先生嗜之極方其得意時寧知有



六籍吟哦固所愛句語肯輕擲未合此格調終  
年不下筆章成特示人蒼古多弗識朋儕無賞  
音無簡自歎息懲此謝詩壇酒量空無敵我言  
揚子雲太玄終不匿今晦後應顯勸君無固必

自警

我生幸為儒者流放心日夜胡能收聖域不遠  
去千里我田既荒安有秋適國迷途不知返作  
室無基良可憂年過半百尚如此轉眼光陰成  
白頭

偶成

凌之澣今一竿竹水洋洋今山矗矗青瑣歸來  
三十秋閒雲野鳥相追逐日長午困憇茅軒聲  
利無關心自足終身得此復何求一任書香兒  
輩續

和答董桂岩同年

謝病歸來已十霜閒中養就野夫狂每尋瑤草  
和成藥自剪青荷製作裳幾曲枯桐秋月白一  
竿脩竹暮煙蒼鏡湖原是吾家水還擬扁舟泛



渺茫

述懷

壯歲辭青瑣還山坐白雲  
天時看代謝世事斷  
知聞菽水奉慈母詩書教後昆  
未能忘鄙陋嘗  
獻野人芹

無讀書

清晨起坐小茅堂萬事無關一炷香  
展卷細觀前聖奧馳名敢學世人狂  
也知老病年光促爭奈詩書意味長  
但願桑榆粗有得肯隨流俗歎

斜陽

和番易守愚丘先生韻

聲到沈疴幸已瘳  
煙霞痼疾豈須憂  
非關遜世矜高節  
自是庄時乏遠猷  
瑣闥兩年空竊祿  
雲山十載免包羞  
管寧本是遼東客  
不願重過五鳳樓

古澄丁聲遠來訪賦一律見遺因和二首

大學陳東天下知  
抗章不怕竹當時  
折腰彭澤成何事  
回首閩山有所思  
軒外孤松全晚節  
宅



歷代詩選  
卷之五  
言集  
邊五柳散春絲歸來還是忘機客傳語沙鷗莫  
浪疑

曾見多人說舊知幾人能保歲寒時感君千里  
來相訪慰我終年病裏思元伯歡呼具雞黍鍾  
期靜聽鼓鸞絲連牀幾夜無他語析盡羣經有  
宿疑

寄邵文明大尹

鄉書曾得其推賢金牘題名子更先大尹有才  
還解組鎖闥無補早歸田利名風浪都無與泉  
石膏肅獨致偏同在故園不相見閩山遼水思  
悽然

傳彥明昆仲久客維揚詩以寄之

山人寄語三公子便買歸舟莫更留南國可知  
春似錦高堂無柰雪盈頭黃金滿載皆由命白  
手還家豈足羞兄弟師生分非淺詩成四韻淚  
雙流

與友人宴小莊

瑣闥無堪早退藏衰年幸得病軀康分曹校射



歷代詩選 明賀克恭 三  
依芳樹對景開樽樂小莊休言席上杯盤惡且  
喜壺中歲月長况是吾人俱白首更憂何事不  
徜徉 二百四

和韻喜陳本仁相訪

昔時與子共談經情分相投北斗城別我十年  
身已達聽君一律句尤清幽居忽訝高軒過多  
病深慚倒屣迎况遇故人丁大尹連牀同與話  
平生

再和番易守愚先生韻

白雲堆裏得安身名利無干遠世塵靜把簡編  
窺徃哲恒將菽水奉慈親江山秀麗詩懷壯窈  
戶清幽瑟調新幸有此般閒樂事任他人醉五  
陵春

溪上茅亭和士詒

釣臺高處小茅堂退士登臨歲月長假寐不爲  
黃閣夢無營還笑白雲庄清風明月何須買綠  
水青山自可常三十年來無外事此心贏得不  
炎涼



題退休卷

五十年來早退休三邊賢達子爲頭題詩每上  
春山寺載酒頻登夜月樓釣艇有時江上泛兵  
書盡日篋中收常憐李廣非知命抵死何曾到  
列侯劉士某亭麻士岳

春偶成

年老睡還少夜長醒更多土床煙火足跌坐默  
吟哦

水亭涼

先生坐水亭三伏不知暑多少熱中人安得此  
閒處

小橋吟

橋下寒塘淨橋邊風物清倚欄閒得句不入俗  
人情

花圃

種得四時花終年香不絕有暇輒開樽何必逢  
佳節

晴樓

歷代詩選

月賞記

次集卷五四

七

仁



歷代詩選  
高樓時一上眼界濶無涯望入遼天去悽然有所思

蘇詩扇上釣魚圖香不餘亦如神閑觀心必  
江上釣魚翁不識家何處我恨凌溪來安得與  
君住

倚杖看閭山垂綸釣凌水山頭宿霧開水面清  
風起

雲湧青山動橋橫碧澗斜幽人無俗事拄杖去  
看花

人有以命狀呈者書一絕于後  
一卧雲山三十年飢殮糲飯渴清泉此生自信  
能知命莫把行藏更問仙

寄大尹邵文明

長官辭縣賦歸來獨愛幽花手自我何日一樽  
同笑傲東籬飽看帶霜開

挽同年羅一峰

歷代詩選

月賀克表

次集卷五四

七

仁



二十年前同及第數千里外歎離羣誰知竟作  
終天訣空對丹青泣暮雲

蕭文明書寄光風大字有作  
故人手寫光風字遠託征鴻寄草堂鐵畫銀鈎  
且休論高情雅意詎能當

伯初過訪留飲賦詩

退士卧聽傳呼聲驚起倒屣門前迎故人久別  
喜會面賦詩酌酒心相傾

人有求薦舉者題其書後

半生榮辱斷知聞遠處茅堂伴白雲何事利名  
場裏客却將書札撓幽人

簡鄉親

携壺欲就名園賞借問如今春淺深但得紅芳  
飛未盡便來枝下聽鳴禽

題晚菊

豈必滿頭方足樂略教經眼便堪奇如何不對  
重陽酒寂莫經句見此枝

魚磯偶成



何人笑我上漁磯本是窮荒一竹枝  
縱然有節中無物怪底長江舉釣絲

題萬佛堂壁  
雲端石洞可棲身水遶山圍賸得春  
傳語高僧休厭客西林曾寓著書人

賞花有跋  
落盡羣芳枝已空遊人往往怨東風  
誰知寂寞幽園裏猶着楸花一樹紅

賀欽字克恭廣寧後屯衛人成化丙戌進士  
授戶科給事中大早上章修德弭災宜以實  
心行實政勿事虛文不報因移疾歸少讀書  
鑿無間山之光明谷因號鑿間山人公生平  
潛心理學與陳白沙羅一峰雅稱同志雖數  
千里若一堂焉海內目爲鑿間先生

石倉十二代詩選

明次集卷五十四



石倉十二代詩選

明次集卷五十五

古厓集

大明

清流葉元玉著  
後學曹學佺閱

中秋與同寅團亭賞月

八月忽又半諸公集此亭此亭幽且邃貯月不用扇娟娟一輪滿碾破秋天清天空淨如洗點翳無畱停有酒多且旨有殺椒斯馨有客况骨肉言笑俱忘形酒酣各賦詩琳琅響中庭光燄不可秘翻恐勞天下人生類萍梗南北隨飄零



歷代詩選 明葉廷玉 三百六十一  
去去看月伴落落如辰星今夕復何夕不飲空  
自醒夜深涼露下月側窺疎櫺人散天宇濶西  
風吹鶴翎

潮州喜雪

潮海本炎方隆冬天反熱豈無百歲人到老不  
見雪胡爲癸亥冬朔風偏冷冽臘月念一二雪  
片如箒結氣候誰轉移到此方發洩撒鹽安可  
擬飛絮亦強說梅花減顏色越犬吠聲切老夫  
喜欲狂舞蹈幾失跌匪作兒女態幸爲豐年決

農夫拍手笑穉子開口齧螟蟲種自斃安得復  
作孽明當大有年禾黍壓丘垤民食旣已足貢  
賦自罔缺道路不拾遺外戶何用閉熙熙復皞  
皞人和天亦悅對雪賦此詩太平好時節

哭老子

六十得一兒命名曰老子頭大趾亦方眉秀目  
頗美唇齒紅且白髮脚垂兩耳肌膚更堅實神  
色一秋水憶昔學行時匪跌卽跛倚脚根一有  
力疾走竟不止出入有所見歷歷用手指有時



歷代詩選 明季文選 三百七  
牽我衣一步一回視及其漸學語小鳥鳴花裏  
舌尖澀且艱句句帶渣滓一朝語忽明輕清真  
可喜飽熟叫我食天明呼我起客來方揖罷報  
我幾倒屣張拱學侍立差可成人比見我看書  
時拉取憑小几而也而也誦指字直到底有時  
見作書彼則強索紙把筆信糊塗殆若歸鴉比  
歲時或祀先我蹠彼亦蹠我口方致詞彼口亦  
云爾老夫見乖覺自慶得蘭茝夫何香不永遽  
逐蕭艾死爾死我何堪哭聲徹閭里坐卧欲發  
狂動作自委靡有時夢中見血淚流未已

外典玉山發舟

玉山河水落出岍石齒齒小舟費推移一步如  
一里跌坐矮篷下低頭不敢起明日且肩輿從  
容看山水

一笑軒爲潮州陸高士作

結軒在東臯而無車馬馳俯仰天地寬何物能  
羈縻此中有真趣難與俗子知萬事付一笑何  
用勞心思



歷代詩選 明葉廷璧 三  
厓翁亭爲前人作

古厓慕高士駕車到竹林清論正有趣薄言日  
西沈子今構斯亭人豈識于心子有無絃琴舍  
我誰知音

容齋姑蘇懷古

吳王宮中草芊芊西施今去幾千年胥門江水  
流不歇虎丘山色還依然我來江上一懷古前  
代興亡難盡數月明獨自倚孤篷疎雨沈沈夜  
當年

正宮洋河曲

西風吹洋河北風吹洋河風水相激如鳴珂少  
年已有四方志今日果向窮邊過我有千里驥  
可以空駱駝我有雙龍劍當爲斬鼉鼉江山風  
景自殊異肯把雙淚徒滂沱韓范亦是書生輩  
豈必一一親揮戈

通州秋夜與進士馮子佩言別

分館幸比隣情緣道義親可憐今夕酒俱是異  
鄉人砧急驚秋老窗虛見月新人生不百歲况



乃別離頻

送同寅楊秀夫使涼州

使節指涼州都門八月秋風沙迷塞雁刁斗接  
邊樓料理君餘事憑陵虜伐謀歸朝告天子功  
業鼎彝收

書懷

客中羞對鏡老去動悲驚白髮雖公道流光也  
薄情名虛何足尚命拙不須評無恨心頭事良  
工寫不成

端午請賴益謙不至詩以扣之

異國萍逢跡憐君寄栢林風光端午日故舊百  
年心盃泛菖蒲玉盤堆角黍金問君何故者只  
尺不相尋

次赤城奉寄諸寅長

驅馳窮北地却是極南人自誓勞王事誰能顧  
此身風沙時帶惡醜虜日爲隣若問歸時候長  
安三月春

同寅李獻吉西齋落成次韻



清論西軒裏相忘白晝長  
鳥聲隨樹轉燕口帶泥香  
酒盡詩留壁窗虛月滿牀  
君家好兄弟何地不傳芳

送節推曾良忠之蒼梧

天涯岐路別何處是蒼梧  
梅嶺蠻煙淨藤江月色孤  
獄清閑狴犴波靜息天吳  
莫歎炎方遠乾坤亦版圖

挽卷爲古田鄭先生作

萬里天涯客歸奔亦可憐  
摩挲新淚眼指點舊

山川狐兔眠孤塚音容隔九泉  
如何江樹上夜夜有啼鵲

舟中偶成

客途逢四月歸艇破江煙行柳青  
隨路孤蟾白滿川滄波  
雙眼裏往事一燈前  
愛酒酬佳節囊中少俸錢

春日飲李壽州家席上作

春日開春酒主賓共酌之  
三人俱老境一會是佳期  
明歲知誰健浮生亦可悲  
此時如不飲桃



李笑人痴

金臺送賴公弼之臨桂

倒盡江頭碧玉卮醉來旋賦送行詩  
蘇湖事業歸能者臨桂生徒得好師  
吾道自知如此重儒官誰謂果然卑  
鄉情正與離情合况值西風九月時

挽三山強克謙太守

瓜州人去馬蕭蕭計到金臺淚欲飄  
銅虎有符猶未合玉樓無記却先招  
典刑缺失鄉邦瘁賢

哲凋零士氣消老眼摩挲向南望  
海天空濶正寥寥

酬伍時清過譽小兒

五色湘雲半幅裁塵襟病眼一時開  
情如江上初生水清逼窗前旋放梅  
老拙愧無經世學豚兒安有過人才  
昨宵賴得東風力吹醒寒爐欲死灰

太平別業爲楊恒叔乃尊題

萬樹甘棠手自栽拂衣高卧故山隈  
白雲深護



三間屋小徑斜通幾樹梅花下看書紅點句月中呼酒白浮杯城東車馬多如許誰解飄然到此來

京中送舉人劉汝敬省母

轉眼南宮較藝時匆匆何事負佳期芙蓉不怨開花晚烏烏寧忘反哺私淚被天風吹作雨愁因柳路織成絲我心亦似君心切况在天涯賦此詩

次楊恒叔無題原倡倒用李商隱韻

覆雨翻雲少定踪寸心空繫景陽鐘只緣路有雲霄隔豈是天無雨露濃秋水簾深浮翡翠西風帳小冷芙蓉可憐半夜相思夢不到君門第九重

桐廬會鄉同年陳大尹

同榜題名二十年東西踪跡兩茫然桐江幸與先生會花縣爭傳大尹賢豺虎聞風咸斂迹荒蕪得雨盡成田朝家正有旌賢詔薦疏行看到日邊



送吾閩薛助教移官南監養母

萬里慈闈江水南孤兒雲望思何堪官居國學  
曾無幾疏迷烏情已再三紫陌風埃歸裏淨白  
魚春浪夢中甘不知溫趙何爲者地下聞風也  
合慚

揚州贈別薛助教先生

千里同舟一月寬維揚此別兩情難蓬窗明日  
不相見杯酒今朝休放乾綵服羨君堂下舞白  
雲嗟我客邊看鍾山山色濃如許盡屬清閒自

在官

建寧滕侍御招遊南郭草亭

舟繫西城河所側人遊南郭草亭中歌聲到耳  
鳥呼雨春色過橋花逐風命酒賦詩良會合憂  
君愛國此心同清時莫作巢由計早策花間御  
史聽

重遊東華

山色層層翠欲流乘風獨上萬峰頭花當二月  
已如此人過十年纔一遊地僻便知爲太古民



淳還幸際西周怪來眼界無畱礙北望長安是  
帝州

謝南雄林太守郊餞

先生餞我七松堂風送松花入酒觴四海幸逢  
真骨肉百蠻應識遠冠裳歌成喜有清風在醉  
後何妨古道長欲謝次公慚不盡便須揮翰寫  
甘棠

次萬全右衛察院題壁

見說立春三日了春光不見半分來黃沙磧裏

風猶冷青柳梢頭眼未開舊事每于心上簡新  
詩旋向筆端裁行行又記江南好春酒初醒喚  
野梅

次李家庄

雲州東下李家庄草色遙連日色黃千里風沙  
凋客鬢一天刁斗碎人腸羯胡馬健多侵擾守  
將謀疎少奮揚傳語朔方大元帥好將忠勇激  
戎行

使天津舟中謾興



嫋嫋東風入髮絲  
奚奴隨處可收詩  
江山好景誰爭得  
花鳥深愁我獨知  
老去不須營世計  
病來祇合問良醫  
俸錢買得溪翁酒  
醉倒蓬窗也未知  
通州重九日送何德彰回部馬上口占  
離觴擲下馬頭回  
猶有殘醺映老腮  
門向夕陽多半掩  
菊當佳節已全開  
送人每怕搜詩句  
排悶應難費酒杯  
明歲今朝我何處  
不堪搔首一興哀

通州會汴梁和舉子人于李獻吉官舍次

鳩字韻

天涯何幸識荊州  
高興真同汗漫遊  
滿甕松花春釀酒  
一簾燈火夜登樓  
吟肩矻矻詩攻瘦  
花影沈沈月上稠  
回首古今俱是夢  
笑他機巧不如鳩

次韻遊寶通寺

詰朝載酒寶通寺  
食盒春粢但小裝  
千里春風傷髮雪  
十年塵夢愧松篁  
綠陰屈指無三月  
白



歷代詩選 明葉廷璧 二  
日題詩共一堂醉後浩歌還起舞不妨人笑老  
夫狂

獻吉席上分韻得銀字

民曹水部兩同心總是斯文異姓親百歲幾遭  
文子飲一官深厭簿書塵風翻槐影簾紋碎雨  
洗苔斑石縫新笑殺坐中誰更老古厓雙鬢半  
如銀

獻吉官舍夜餞左國璣聯句送之

高館深杯賦別詩小窗微雨夜燈時對牀骨肉  
應憐老喬木家聲更屬誰綠柳曉分燕趙路碧  
梧秋待鳳皇枝鄉書有雁還須寄記取樽前兩  
故知

偕獻吉自京回通馬上聯句

靄靄林光雨霽初乾坤着眼一塵無歸雲渡水  
春涵影醉面便風曉出都乳燕教雛嬌欲墮遠  
山當馬翠如扶十年來去通州路慚愧山間破  
衲徒

舟中寄李獻吉



美人愛我慙且直我愛美人才出羣團亭把手  
議政事西齋剪燭論詩文割雞呼酒對山月搥  
鼓放舟看水雲百年知己那復得海角天涯遙  
憶君

題雙忠祠

張許祠堂何處是大忠西畔郭門東自從孤壘  
支強虜誰不低頭拜下風身死唐家當日節力  
扶元氣萬年功不須再讀前朝史詩筆年來仗  
至公

春日寫懷與陸高士

茅菴竹徑未相尋忽忽殘紅又綠陰處世浪爲  
千歲計看花深負一春心只緣未悟藏蕉鹿豈  
是慳揮當酒金自笑山林緣分薄幾番翹首付  
長吟

潮州寄致仕雷大尹

兩年分手各西東咫尺天涯萬里同有酒也孤  
秋月白無詩空對夜燈紅簿書俗吏塵埃裏恬  
退高人畝畝中我愛西山亭子好也應相伴醉



東風入海潮中興愛西山亭子秋山秋山  
次莆田陳先生韻  
半是池亭半釣臺  
人襟抱灑然開  
知還倦鳥  
投林去適意  
潛魚入渚來  
數畝石田堪種稻  
半山茅地也  
生材與來自  
有天成句不用工夫細  
剪裁  
次韻復潮陽柯二守  
只恐未  
麾出潮州四五秋  
不才無補合歸休  
西山別業  
雲千頃浮世流光  
歲一周天地有情容  
我老海  
山無分伴君遊  
韓祠歲月憑誰記  
讀到新詩淚  
欲流

雨中端午有感次伍天錫韻

采蒲搴艾兩休休  
五月天時似早秋  
白石有人呼節酒  
汨羅無客棹孤舟  
浮雲蔽日山川暗  
淫雨漫天草木愁  
對節感時心不了  
幾番回首愧沙鷗

漫書

病裏思前事  
分明一夢中  
而今知是夢  
却恨已



成翁

風花

惡風吹好花花猶抱故枝畢竟被吹落還有重  
開時天草木愁慙前風亂心不日炎帝回前時

雜興

眼前風景不須賒月色平分入我家最是可人  
清絕處一枝梅影上窗紗天風時

閨怨

小窗睡起覺衣鬆怪底幽情似酒濃立盡斜陽  
人不見目隨征雁到迴峰

為人題便面

杖藜信步過橋東幾片飛花隔柳紅指點前頭  
更清致遙山一抹淡煙中

曲江孔先生招飲

十年不見先生面目斷嶺南山萬重今日曲江  
江上見不妨樽酒對芙蓉

弘治六年九月本部奏差宣府沿邊清理

草束重九日出京次榆河驛



皇華使節駐榆河下馬令人感慨多獨坐夜窗  
渾不寐一鈎明月挂煙蘿  
次鷄鳴驛見菊芙蓉  
傳舍清幽地步寬晨炊未熟且凭欄秋花不改  
真顏色留待天朝使者看

次龍門衛

龍門關外龍門衛元是紛紛狡兔場今日草枯  
胡馬瘦將軍穩卧綠沈鎗

馬營日暖

愛日當空暖氣回與君金馬笑顏開如何萬里  
龍沙積轉得南方氣候來

獨石道中遇雪

歷徧窮邊萬仞山南人底耐北風寒雪花似與  
人相識故故飛來撲馬鞍

次高郵湖

湖水漫漫無畔岼風波日日有人行輪他林下  
幽棲客閒看梅花破雪清

漁家樂



高笋芽長魚正肥漁郎搖櫂賣魚歸得錢便買  
溪翁酒醉卧蓬窗自落暉

李國賓惠茶携至蘭溪烹之甚佳

白石橋邊自摘茶故人持贈意無涯今朝烹入  
蘭谿水喜有清風入肺家

揭陽道中

一年一度此行春深愧無恩及楚人也有  
一端甚自解滿田清水稻花新

太守行春到揭陽村村男女事耕桑道旁  
楚老

無拘束笑指官家馬足忙

月夜聞琵琶聲有感

悲悲切切復淒淒况是昭君怨裏詞安得  
西風加着力一宵吹送漢宮知

聽鶯

老鳳雖離霄漢中羣聲自是不相同新鶯  
莫訝偏饒舌啼到春歸句未工

古厓先生葉元玉成化辛丑進士爲戶部郎  
時與李獻吉鄭繼之以文字交出領潮州守



強毅舉職中讒而歸潮人以前太守韋菴王  
公後古厓葉公為兩賢云公集李貞夫鄭繼  
之俱有序

悲悲  
妻事

琵琶

石倉十二代詩選

明次集卷五十六

竹田集

大明

長樂林廷選著

後學曹學佺閱

庚子秋予將赴春官友人王朝紀出扇間

梅索題賦以寓別

江南佳實登廟廊托根暫向桃李場包涵元氣  
百萬斛散作大地先春香往時卧雪篷窗底疎  
影橫斜上窗紙開窗疑是故人來相思咫尺如  
千里一枝曾寄重南金相期不改歲寒心搗來



披拂丹霄路倍憶清標與神遇山林聚首重有  
期人意花香只如故樽酒花前慰別情翠禽聲  
底月三更長安春物遙相待預訂星溪鷗鷺盟  
長安步月歌東同年郭仲升暨林利用利

芳昆仲

辛丑孟秋望前日淫雨開晴月初出玉堂公子  
難弟兄見月呼邀話鄉邑郭君有道况同年相  
逢逸氣俱飄然劇談愛月不忍散褰衣步近龍  
樓前龍樓倚空全受月十二雲梯高突兀散影

長安白玉街流輝漢代黃金闕俄聞玉漏傳初  
箭宮柳梢頭月行漸秋風次第折天香嫦娥猶  
識書生面相隨遲遲如有情壯心對影還自驚  
去秋見月閩山下今宵見月長安城浮生安得  
長相遇惟有月明一寰宇他年宦轍各東西見  
月還思舊遊處

送寅長劉汝器子景還家

畫舫超宗別黃堂謝鳳愁幾年孫戶閉一旦暮  
宮遊棘寺乘龍日京闈擢桂秋捷音須早寄天



濶雁悠悠

除夕寫懷呈邵錫之通守

吏散黃堂靜惟聞爆竹聲一宵寅卯歲兩地別

離情懶怕官常責貧添夢寐清壯吟悲往事知

已費推廩

吳江舟中述懷

放櫂入吳江瞻雲思欲狂親闈雙雪鬢宦海一

風檣理郡知無術憂民若有傷微吟笑今古漁

唱起滄浪

舟次錢塘寫懷

高堂違色養薄宦滯功名幾載歸闕夢今朝到

越程山環晴見喜濤怒夜聞驚此際倚閭望應

思中路征

哭表兄鄭孔善

未獻河東賦先為泉下行事姑如奉母養弟莫

過兄聞訃千山隔招魂萬古情空階明月夜疑

聽誦詩聲

憩袁州宣風鎮公館



歷代詩選  
孤館萍鄉路寥寥稱客情鳥聲喧日午山色蕩  
春晴不飲愁偏積無言意自生西巡尚千里極  
目瘴煙清

別李伯起二首

會面悲分手仄期瞬息過一宵增感慨萬事已  
蹉跎極目懸秦望長吟入楚歌太微精曜在長  
燭桂山蘿

逆境安身藥榮名賈禰媒若恩深雨露吾道有  
臺萊洗耳空明洞披襟獨秀亭桂枝深出地何

處不掄才

是秋子在  
廣西應試

休衙口占

觀察承宣重非才屢拜加四年三易省十夢九  
歸家丹筆生心火清霜點髮華休衙看明月初  
上紫薇花

尚達齋招飲狀元峰

一望窮千里高登鼇頂峰海門東際澗山勢壯  
來重雞犬蓬瀛近煙霞梵剎逢出雲紅日在老  
眼更從容



歷代詩選 明林竹石 四  
過仙霞關東林應瑞同行八韻

何年窮地軸此路接天梯  
南北江湖遠高深象  
緯齊雲腥龍出洞苔破鹿行谿  
野渡無人問荒  
林有鳥啼杏花村不見茅店月空樓  
午憩臨飛  
瀑宵征聽早雞帝閭塵外杏鄉國望中迷  
一笑  
逢知己風煙謾品題

對策

袞冕臨軒物象熙周家多士集彤墀  
才非賈誼  
寧須哭直似劉蕡亦受知天祿雲煙浮筆硯蓬

萊日月麗旌旗敢云身在層霄上  
忘却燈窗昔  
下帷

桂林行臺四山皆几席間清奇峭拔名重  
天下誠不誣也民事多艱不遂登眺  
瓜  
期得代對景惘然

桂山奇峭世間無日日當窗見畫圖  
排去離愁  
忘歲月助來吟興徧江湖空岳花木青黃間  
疊  
石莓苔紫翠腴也被山靈嘲我俗寧拚半晝  
狎  
樵夫



賜宴

詔下蓬萊第一宮  
瓊林與宴九州同  
入屑體酒流霞紫  
壓帽宮花借杏紅  
自是明良千載遇  
勿虛圖報寸心忠  
醉歸還向長安道  
燈火笙歌玉駱驄

延平別葉廷璽兼呈張伯章黃守正時同  
年同外補伯章南海守正揭陽廷璽高  
安予則高安也

宦遊南北歎飄蓬  
回首君門亦幾重  
勝會瓊林三日宴  
離愁劔浦五更鍾  
予慚處斷非蘇頌  
子去循良繼魯恭  
臺諫于今多外補  
暫時分手復相從

送常山尹余宗美考績之行

夫子襟懷瑩雪霜  
洵宜政事與文章  
鳴琴已協陽春調  
飛舄行依日月光  
花縣民思今召父  
杏園人識舊仙郎  
朝陽正爾梧桐盛  
枳棘焉能滯鳳皇

北上期郭秀水不至



聞君行旆住蘇臺我亦楓橋祖帳開秋色滿江  
 將我去煙波何地覓君來湖山孤負詩千首風  
 月深憐酒一杯欲待仙舟話疇昔雲泥隔面不  
 勝哀

詠金山寺

天塹中分十里流僧房長挹海門秋無人道  
 金山好有客重留玉帶不龍出曉堂雲未散蜃  
 沈香壑氣常浮題詩先付中泠水待我登臨酌  
 滿甌

進表朝下口占用李邵伯贈行韻

江湖三載憶長安此日應憐會遇難玉帛萬方  
 朝闕下紫微中夜現雲端歡呼壽祝乾坤久錫  
 賚恩涵雨露寬歸到掖門煙樹裏乳鴉啼斷曉  
 霜寒

用前韻擬送秋官林待用謫滇南

緘默場中獨犯顏滇池萬里肯辭難雷州司戶  
 嘲誇大潮郡昌黎學輓瀾觸目炎涼隨地遣到  
 頭夷險且懷寬碧桃紅杏沾天日松栢風光耐



歲寒

遊金山寺不果

幾度經過憶勝遊  
風波世事阻扁舟  
山當下上江心處  
水望東南天盡頭  
玉鏡臺前看寶髻  
芙蓉葉下卧龍虬  
昨宵夢得麻姑信  
海外于今只九洲

寓武進呈二教陳孟廣先輩

鵬搏早擊海門秋  
偶失東隅志未休  
傾蓋滿斟燕市酒  
之官同買潞河舟  
江山得句時賡唱  
雪

水烹茶日獻酬  
此別悠悠已三載  
相逢不覺話  
綢繆

賡嘉定二教林克清見寄

光華上國展初觀  
野水晴山柰別難  
宦海偏逢鄉曲好  
黃堂祇似泮宮寒  
詩將寫景腸猶澀  
酒欲開懷量未寬  
一歲相過無兩度  
清風明月付誰看

寄杭州別駕邵錫之

萍梗相逢聚一堂  
清忠相許鬢毛蒼  
仙舟待醉



歷代詩選 明倫彙編 家範典 卷之八  
梅江月驛騎常馳  
菽渡霜曾學少年  
忘戲謔誰知  
中路轉參商  
贈行愧乏陽關曲  
越水吳山思渺茫

迎養未幾一歲  
以公事之京口  
周李二同寅  
遠餞  
原舟  
慈親六十八  
春秋三載堂前只  
夢遊瞻舍孤雲  
常在目懷兒白雪  
易盈頭小孫可伴  
板輿戲薄俸  
聊充菽水羞  
閩海吳江天咫尺  
東風期買芋

京口姑蘇不日  
程畫船湘席款  
離情謾驚異客  
如萍水且喜同僚  
卽弟兄竹寺覓茶  
消醉渴野僧呼酒  
解餘醒夕陽孤棹  
龍山渚南望長吟  
愧報瓊

錫山舟中呈同年呂宜中期遊龍山惠泉  
不果

兩岍垂楊覆畫船  
相看况復有同年  
眼前山水詩題徧  
江上風花酒興牽  
鳥解人情轉溪樹  
棹歌漁樂隔汀煙  
龍峰笑我塵纓者  
何日能閒酌



惠泉

舟次宜興有懷

一棹朝常暮至宜萍蓬蹤跡本無期太湖東望  
如彭蠡陽羨西瞻似武夷柳色纒勻鶯囀候蘆  
芽猶短雁歸時思鄉日日愁腸斷消遣惟憑四  
韻詩

溧陽道中

陽羨纒過又溧陽郊墟桃李似蘇常金陵地近  
雲霄上天目山高牛斗旁積雨空林歸杜宇小

溪新水浴鴛鴦五年前是春明客今日江湖歎  
野航

丹陽道中

踈篠垂楊陰古河江南風景復如何潮通天塹  
傷前事路入金陵憶舊過茅屋曉殮煙火少石  
梁宵泊虎狼多推篷起坐觀星斗擊楫長吁發  
浩歌

登釣臺

捫蘿踏破半空雲吳越低垂杳靄濱物外煙霞



有真意人間岐路自浮塵客星天澹龍歸遠夜  
月江空鶴唳頻篙子不關今古事一帆風正促  
前津

余友王朝紀家多荔枝茲歸過期懸想有

作

三槐堂後荔枝叢六月纍纍青間紅摘浸盆池  
松澗水乘餘石榻竹間風別來幾載天涯想歸  
去將秋樹底空勝畫官家多後熟東君留待意  
無窮

蘭溪夜泊

懸枕青山驛傍溪繁華不讓浙東西高林樓閣  
畫圖出繞郭峰巒屏障低柏燭迎春金字帖香  
醪過夏甕頭泥泊舟不寐思鄉里坐聽灘聲與  
鳥啼

次衢州寄余常山

宦海睽離亦幾年浮雲流水兩茫然獨憐鮑叔  
偏知我誰念中牟尚滯賢明月野航千里夢清  
風高館一魚懸相望咫尺只猶憑雁寄取江東涓



歷代詩選  
明本竹田  
卷五十六  
十一  
二百三十一

北聯

喜過衢州

思歸常恨翼無雙  
舟過三衢思已降  
脩竹鶯聲來半枕  
亂峰雲氣入朝窗  
山行五日甌閩地  
水歷千灘長樂江  
江上故人留話舊  
白魚香稻酒盈缸

登虎丘千頃雲和聶大年韻

風日清時憩此亭  
吟眸望入碧雲屏  
金精旣散虎文炳  
劔水空藏龍氣腥  
張祐集中詩寡和  
生

公臺下法誰聽  
凭欄不盡登臨興  
獨喜桑麻四野青

聞建溪舟中

山行牢落憶舟楫  
水涸程脩意轉迷  
亂石激流溪曲折  
閒雲橫嶺樹高低  
月斜篷竹疎螢度  
風靜沙汀獨鳥啼  
卧看星河占夜徹  
更無茅店一聲雞

泊水口

黃田南下刺歸航  
江水無聲石不剛  
偶語鄉人



歷代詩選 卷之六 十一  
情自洽乍看榕樹蔭偏長山花有意當杯落沙  
鳥如知笑容忙望隔家林三百里夢魂前夜遶  
高堂

竹崎阻風

千里江湖渺歸興須臾風雨滯還期山林燕雀  
啁啾裏舟楫魚龍出沒時泊岸行吟長歎息倚  
間顛望更驚疑此時無酒消詩渴遙指雲林買  
荔枝

公臺遊西峰別月峰上人益登朝興與喜桑林四

幾載懷山今晝遊老僧相見意綢繆獨迎翠竹  
雲邊路共聽寒松石上流柏子飄風來客坐桂  
花分露入茶甌宦情未入道情減祇使東林猿  
鶴愁

中秋夜舟次延平對月有感

萬里無雲月滿天平分秋景自年年人言難得  
此時霽客意偏驚今夜圓光攬故山慈母夢影  
搖官舍小兒憐寸心兩地愁無計坐聽城鐘起  
曙煙



述閒

忙時偶爾習閒身  
 懶泊城濠去問津  
 一日無詩難脫俗  
 通宵不寐為懷人  
 船頭水淨胡僧眼  
 雲外山含西子顰  
 弄水看山成癖處  
 因悲案牘久勞神

壽母

初度年年菊正黃  
 預傾仙醞獻高堂  
 常時夢裏驚衰老  
 今日樽前喜壽康  
 七十人生能有幾  
 三千里外不遑將  
 由來令德宜遐福  
 還見滄溟徧

植桑

還山東諸故人

自離猿鶴寄魚箋  
 不到林塘已五年  
 眼見青松長出澗  
 手移紅藕盛開蓮  
 良朋爭載山中酒  
 俗客招營郭下田  
 一日得閒思暢飲  
 白頭閭里幾人還

疏池

數畝荒塘草閣東  
 疏時恰與我相逢  
 新涵坊署重重影  
 舊映雲林面面峰  
 蓮自池中穿作藕  
 魚



因雨後化爲龍捐軀莫報  
君恩重還負垂綸  
倚水松

遊建寧西觀贈碧虛道人

垂簾踪跡混沈冥偶話鄉塵亦細聽  
龜伏藥畦機已悟鶴驚松  
露夢初醒呼童拾栗供茶果  
索我題詩記竹亭  
解道宦情隨處好古今濃淡付  
空青

懷窩友張孟父

劒氣藏山未出銛  
青燈夜雨共蠶蠶  
笑談喜見

波千頃別夢愁分月半簾  
江遠天邊孤嶼小  
雪深門外數峰尖  
陽春欲和頓須寄白雁  
江鱗久見淹

哭外舅

千里間關訂會期  
別來那擬死生悲  
危樓明月閑山影  
老圃清霜舊菊枝  
坦腹愧非王氏子  
招魂哀寄楚人辭  
昨宵舟泊澄潭下  
白髮蒼顏入夢思

偶成



四面嵐光映日遲扁舟雨過上灘危青山日看  
 偏能畫白鶴來時未可騎遣病學調囊裏藥油  
 閒自算局中碁南還北去如萍梗却羨林鴉戀  
 故枝

十里茶洋別行人何繼善同迺弟繼周之任  
 聚散真成水上萍沙頭立馬望雙旌皇華載喜  
 兼常隸伐木那堪續渭城幾處梅花寒臘盡數  
 程桑梓暮雲橫一觴且醉車傍酒桂嶺燕都萬  
 里情

除夜宿建安行臺與同寅滕吉甫同年楊

恒叔話別

桑梓未離千里遠年華又逐一宵除客心滴碎  
 燈前雨鄉夢啼殘栢上烏終古功名垂宇宙半  
 生踪跡徧江湖多君二仲能相慰醉和陽關擊  
 唾壺

宿武夷宮

道士李常春同邑人也

踏月呼開竹下扉羽人云是舊令威茗煎龍井  
 殘年雪蔬摘獅峰絕頂薇身在十洲遺世累夢



遊九曲挾仙飛洞門忽報金雞唱催上青驄度  
翠微

進賢道中有懷

停車徙倚倦逢迎去路悠悠越曉晴霜滑危橋  
驚馬足月明孤枕候雞聲絲綸簡付今時邁耳  
目叨居古裏行知已相逢重相祝風霜臺上務  
寬平

衡陽冒雨至祁陽宿山舖口占

衡陽繞過又祁陽馬首山花不斷香吏徒行庖

依疊石岷窺駐節在深篁掃雲隨處成高卧肩  
雨從人笑獨忙欲寄音書數千里峰前迴雁未  
南翔

平樂行臺籌用兵給餉有懷和前人壁間韻

蕩蕩堯天化日長願垂蔀屋照逃亡朝鉦暮鼓  
時多難青草黃茅地半荒湖海有心馳北關經  
綸無術起南陽晚山環翠清人骨載詠皇華第  
幾章



送僉憲包好問服闋之京

三年血淚移風俗百歲功名豈爲家  
話別芙蓉花外雨夢隨滄海日邊槎  
知心不謂交深淺處世誰論調正  
哇傳語西臺舊同輩洞源猶未變  
桑麻

桂林夜懷器之將別

仕路追隨別有因平生傾倒更誰親  
良宵咫尺如千里嘉會蹉跎又五旬  
攬轡恰逢多事日折梅同憶故園春  
只愁江上孤舟別明月清風冷

煞人

再懷器之

萬金猶未到天涯回雁風高隔九疑  
鄉夢偏多殘臘夜宦情應減少年時  
風腥江海遲舟檝雲暗關山急鼓吹  
慚愧胸中少兵甲湘南今日繫安危

送總督閔都憲擢南曹司寇

籌邊樓上坐春風忽覩登仙別意濃  
在昔伏波稱馬洛于今司寇擢夔龍  
錦衣晝領高堂趣黃



歷代詩選  
卷之十  
十一  
菊秋呈老圃容經濟有懷論不盡金陵雲樹遶  
千重

阻水昭平同僉憲陳文用賦

昭州南下接梧濤民苦羣夷歲屢侵令肅柳營  
旗旆偃詩成蓮幕酒杯斟雨深湍惡遲行色花  
落鳩啼碎客心我愛干城人赳赳未聞罝兔在  
中林

厓山大忠祠次陳白沙內翰韻

自有乾坤適此躬斷魂斜日怒濤風身危未肯

全歸數義盡由來不計功感激江湖存一老綱  
常今古係三公厓山草木應增重誰向錢塘覓  
闕宮

五羊江別李伯起

君羈逆旅我朝天百歲心情萬里船別淚祗緣  
今日落義交應與後人傳五羊江漲初逢雨八  
桂峰高半着煙寒謬相期堅晚節服膺何必佩  
韋弦

還朝以戎功受賞加俸感愧有作



觀風無補愧臺端  
叨沐恩波似海寬  
雙綺文浮神豸角  
千金色借雪花團  
樹功自信非干賞  
增祿何妨未徙官  
自古明良難際遇  
到頭寧負寸心丹

送張都闕擢任閩中

方面官高武企文  
南藩新擢北將軍  
駕行向曉辭宮謁  
龍節迎薰靜海氛  
王旅時平須養銳  
君名年少已超羣  
登堂見禮因知德  
喜為雲臺致策勲

丁巳秋八月望後陞浙江按察僉事有感

三年蹤跡寄浮槎  
忽報遷官喜近家  
廉訪臺前仍憲秩  
春明門外豈天涯  
閒邀七里灘頭月  
醉折孤山水畔花  
廊廟江湖隨地足  
周南留滯漫興嗟

挽提學豐城游公

七閩山斗失瞻依  
春雨芹香報德祠  
面命不忘青眼意  
心喪猶繫白頭思  
誰人已許心中劍  
獨我來觀塚上碑  
載仰龍光堪頓首  
斷崖煙樹倍



歷代詩選 明初竹田 二首  
凄其 保昌別王器之舟中感懷奉寄

保昌別王器之舟中感懷奉寄

百粵同巡十載前西風逆旅共華顛策踈董賈  
愁無盡交洽朱陳老益堅露下美人隔秋水船  
頭明月自青天三山非是無仙逕縮地于今幾  
學仙 山木初秋涼風正

過五羊有感

三年夢繞五羊津重到秋風起白蘋在昔繁華  
付流水而今寂寞問蒼旻沈魚過雁皆知我碧

海丹山自可人為語貪泉何日竭庶令清惠澤  
斯民

望羅浮次提學潘孔修行臺壁間韻

四百峰頭長是春登臨未暇愧塵輪芙蓉朵朵  
霞光粲梅樹重重月色新翠羽有情啼覺夢丹  
砂無路覓通神後遊直欲躋金壁渺海凌霄快  
我人

潮州會胡允承僉憲喜而有作兼柬丁師

孟大叅皆舊同寅

歷代詩選 明初竹田 次集卷五六 十一 仁



川經脩阻陸崔嵬  
註誤無端念已灰  
祗為疾趨御史節  
誰知良晤故人杯  
登臨韓廟求遺草  
拜讀蘇碑掃積苔  
醉話青山雲水窟  
誰聞海外更蓬萊

題海珠寺

出郭招提兩岼平  
畫船來往寄閒情  
海中寶地一珠小  
檻外澄江雙練明  
夜月頻觀蛟女泪  
早潮常雜梵僧聲  
此身欲借涼飈便  
直作蓬萊閬苑行

饒平神泉小舟中

平生足跡半天下  
今日偶逢行路難  
錦里野航無更窄  
真人蓮葉有餘寬  
夕陽峰勢迎秋峭  
深夜潭光映斗寒  
一片短篷何障礙  
盡收清景足詩壇

神泉小舟中懷湖廣亞叅長汀鍾舜臣寄

以嘲之

神泉北上瀨千灣  
昔日先生此往還  
盡歛風稜宿燼水  
長舒憤懣眺江山  
濟川輪與篙師巧  
到



歷代詩選 明倫彙編 十二  
三  
听翻思宦海艱九曲權歌明月夜何由同扣紫  
陽關

次陳晉菴大叅藍屋驛壁間二律韻寓懷  
兼柬茹兵備

侵曉驅馳乘月明慣聽松籟雜泉鳴雲山滿目  
客非遠禾黍一秋農有成賣劍買牛知俗易朝  
征暮歛爲心驚停騶地僻逢迎少坐與沙頭鷗  
鷺盟

三洲驛卽景

行客望晴農望雨冥冥之際得兼全日斜百里  
方逢驛雷送千峰忽洗天稻透香花來屋下竹  
添秋意到階前山林禦寇無良策咸願自今長  
有年

聞同寅李仁仲少叅往南安至贛不得一  
敘口占留別兼柬陳宗之大叅時宗之  
有慶賀之行

分司君復到梅關我昨嶺南歸路漫六十重臨  
江浙去一杯難盡涓城歡間閭土俗須明告屏



翰勲勞媿素餐  
緬想矩菴天上至  
比隣風月賞  
春盤

玉山公館感舊次陳希白大叅畱題韻

三十年來長作客  
記曾寓此月嘉平  
一時人物知何在  
竟夕羹墻夢不成  
雨近重陽添旅思  
天連浙水漫王程  
縱教白首江湖上  
欲報君恩罄我生

膺召上京師

登仙人已笑班生  
又捧徵書媿復驚  
山水窟中

漕宦况雪梅香畔  
促王程欲酬天地  
四方志安得心胸  
數萬兵君相明良  
勞吐握白頭何幸  
贊昇平

陞右都御史奉勅總督兩廣軍務兼理

巡撫愧懼有作

江湖廊廟竟何為  
新捧綸音下玉墀  
半載三遷驚數異  
兩藩重到訝時移  
草萊枯槁須膏澤  
今古勲名在鼎彝  
報國寸心猶未老  
粵山灘水也先知



生日述懷

白首慚叨將相權又逢生日倍潸然  
璽書褒及連三世花甲週來忽二年  
雙闕有情懸鳳翼百蠻何幸息狼煙  
乞歸未沐覃恩許清夢頻頻遶竹田

贈張元器憲副復職還浙

歸棹飄飄出水涯途歌猶頌老賢司  
璠璵滌去蒼蠅點松栢依然翠黛姿  
餞有羣英爭載酒囊無餘噓只畱詩  
太湖風月寧須買歲晚心期付

釣絲

題督船尚公府藏陳大亨雲山圖

春雲飛盡見青山茅屋蕭蕭草樹間  
濟渡無人橫野艇携筇有客訪柴關  
五湖煙景應非遠三徑風流似可攀  
笑謝西園天上侶披圖寧許寄投閒

送黃義菴還閩

半生宦轍接清遊前是蘇州後越州  
桃李滿門閒卽樂江湖馳闕遠還憂  
別愁晚浦聞鳴雁歸



歷代詩選 明本个印 卷五 三篇  
趣晴沙對懶鷗試問六平舊同館白頭林下幾  
人休

題督船尚公閒庭晚翠

雙榦盆松積暝陰綠雲簾幙畫堂深枝橫遠訝  
蒼龍舞風撼渾疑夜鶴吟流響靜含天籟發後  
凋應有歲寒心明公對此堪娛目不讓秦封數  
百尋

題徐嘉興扇畫梅賡屠大理韻

羌笛悲殘曲含章憶素英關情使君閣詩雪夜

同清

平樂候王器之來巡適阻風遲行親友情

鍾竟夕不寐賦此以迓

江水滔滔南注急天風故故北來狂誰憐孤館  
扁舟客只尺相望萬里長

吸翠亭

刻石留題記獨醒危亭虛敞納遙青此中合着  
詩翁榻卧看雲山晚翠屏

石倉十二代詩選

明次集卷五十六 終



後不聞也... 無世客只以... 山水... 天風... 北來...

同儕

石倉十二代詩選

明次集卷五十七

南澗集

大明

長安林廷王著

飄玉... 後學曹學佺閱

烈... 豈云...

泛泛木蘭舟行行采薜去放歌汗漫遊雲深忽

迷渚偶爾窮河源言晤弄梭女睠此會際艱相

看兩無語倏然剛風發塵寰杳何許

塞上曲... 夫...

棄親來從軍誰無樹功心激昂在將帥賞罰貴



必謔千金買馬骨龍媒歲三臨將軍重壯士誰  
 道無孟任師行失紀律安能制敵侵不見南陽  
 叟七縱還七擒風發雲變杏何情  
 秋蟲鳴唧唧春鳥鳴喈喈言念瞬息間時序成  
 睽乖感此時物變悠然與我懷佳人豈云遠瞻  
 顧江之涯涉江采杜若携手欲與偕飄忽杳如  
 夢愁心難自排

百會又二升詩選

明林南淵

秋月流清光秋風吹妾裳今夕知何夕幸然登  
 若堂君在燕山陬妾在湘水傍詎期會晤間遂  
 茲吹蘭芳感君知遇奇感君恩愛長閨風有佳  
 趣願言同瞻望

有惑

重華光大曆九五飛潛龍綱維丕振肅四海謳  
 歌同匭函出通明暢達天下聰百川東注海細  
 大成納容我惡沾青瑣不能振英風侃侃盛時  
 彥論列爭長雄苟有利國家何必皆已功



林泉夏日遣興  
 長松覆雲蓋蒲葉青以舒晴光浮簾櫳曉日涵  
 窗虛空中罕人跡數鳥鳴庭除軒冕豈不貴耽  
 此山野居三十功名路夢境多憂虞偶得塵鞅  
 脫方寸乃裕如山翁隔竹籬酒熟招我胥團團  
 白玉盤清貯菖蒲菹一醉忘身世寧復論其餘

又

雲山隔囂喧野興自孤遠林幽歲月閒萬物無  
 拘管猿鶴隨往來鹿飽卧叮唾蹲鴟受水肥竹

萌茁林短野老共清談蟹眼入茗椀松風晚生  
 涼皓月冰輪滿自比無懷民一笑得仰俛  
 青藜西堂雜詠次林世增隱君韻其一草履  
 淳朴苟得趣責節奚能倫管蒯擷為屨飛雲誰  
 復論朝踏清溪濱暮拖歸雲村或時禮縫掖寧  
 能知雁門松塲徐徐蹈旋辟譚羲軒墮指步雪  
 中不煦東方暎捆以給饗餐何慕鮮醲昏嗟嗟  
 無懷民俛仰俱忘言靡麗俗所尚質素乃本源  
 賢者敦澆漓風軌凜恒存



考槃清詠

卜築依雲山花開花還落野猿摘木實渴鹿飲  
泉壑幽鳥日嚶嚶蛛網懸屋角絲爪上墻顛雀  
瓢蔓林薄忽瞻山之陽踟躕翥雲鶴萬物遂其  
生吾心亦云若空山無侶伴呼酒獨自酌

青樓誰家子紫駟黃金絡雲霄飛意氣千金重  
然諾羅衣青岑醴翠釜駝峰濯檀板金巨羅笑  
看紅雨落盈虛天道明世事反今昨一朝時勢

異頗然成蕭索

雲水秋日感興

風塵嗟瀕洞誰能驅三蟲乘桴涉溟渤滄波杳  
難窮念此青鬢髮忽爲霜雪叢安得從化人駕  
虬遊長空

再至定林寺

白雲鎖禪關松花落如雨佳木翳繁陰林深不  
知暑老衲卧雲間雪顛能梵語吁嗟在廬社遠  
公亦何許



亦感興

風林振孤響  
疎柳鳴寒螿  
渺渺羈旅懷  
對此秋日光  
絕塞有行役  
寒衣誰寄將

林泉撥悶

屋上覆蒼松  
階前茂瑤草  
柴門繫釣船  
野徑啼幽鳥  
山翁睡起遲  
落花紅不掃  
又賦風壘又  
賦風壘又  
賦風壘又  
雲水涵虛窗  
往來浮野馬  
紫芝青巖上  
採之動盈把  
漁艇晚歸來  
繫在柴門下

書秋

庭樹凋西風  
落下葉幾片  
寒蛩四壁吟  
雲端有歸雁  
萬境覺蕭森  
俄感時物變

宿靈寶

浙浙西風砧  
數杵天外賓  
鴻望南渚  
山川蕭索暮  
雲低野樹  
離離帶殘雨  
鷓鴣暫借一  
枝棲迢遞  
關河情萬縷

清溪

清溪水邊人  
唱歌千花萬  
花森相摩陌  
上行入



詫相見欲行不行無柰何鶯忙蝶亂競穿掠年  
年惟願春相若天道陰晴那可知但恐妬花風  
雨惡

鵲啼

千古哀哀望帝魂離人枕畔不堪聞梨花枝上  
三更月幾點腥紅漬血痕天津橋上君須記叫  
得春歸花滿地何當化作卷阿儔噦噦德音鳴  
治世

閩鄉秋夜

枕簟涼生秋夜清風吹庭樹動秋聲碧空萬里  
湛如水月色滿天窗外明孤館蕭蕭靜如許何  
處殘砧聞數杵風情月思共撩人一種幽懷對  
誰語

臨潼懷古

驪山之水溫且清朝元明上空月明玉環化作  
馬嵬草碧樹蕭蕭猿夜聲朝代興亡容易變今  
人不見古人面疎林落落掛斜暉金井梧桐秋  
幾片



昔宋歐陽公雪中會客出令賦詩禁體物  
入不足語因追和其韻以寄興云  
六出開殘天上萼  
繽紛四海摧林薄  
戍夫絕塞  
響宵征行旅  
長途艱早作  
能令寰宇盡  
迷茫解  
使乾坤頓恢廓  
倚山莫道自堅牢  
觸日應須謾  
銷鑠倏來忽  
去逐風顛  
蒙頭拂面漫空落  
偶然  
颯刺到窗紗  
遽爾嚴凝透  
狐貉騷人筆底任  
品  
題兒童階下  
隨搏攫  
凌晨艱食  
啼乳鴉  
向晚迷  
巢飛凍雀  
釣磯  
簌簌響  
蓑衣石徑  
霏霏滑  
搜屨

莫爲今朝凜冽愁  
可卜來年豐稔樂  
夙成體魄  
自不緇天然襟度  
何須滄橫縱  
無計抑松篁  
緯  
繡只宜飛朔漠  
頓足應思就火爐  
僵手那能事  
旗槃千年詩  
令仰前規  
呵凍揮毫爲吟噓

出塞行次韻

九天百萬來雄貔  
黃金詔下飛龍墀  
雷轟電掣  
草澤震旌旗  
閃閃搖赤螭  
妖魔聞風盡  
潛窟耿  
耿攬槍頭  
看沒彎弧時  
落雲中  
鵬寶劍凌霜常  
逸發忽驚極澗飲  
垂虹殺氣赫赫摩層穹  
不戰



屈人兵法奇羣醜那得逃術中阿香飛車騰赤  
電千古人傳青海箭天厨殺美内醞良將軍醉  
下含元殿來則勿拒去勿追邊疆金鐵皆閑陴  
綱紀修明儲蓄廣王者之守在四夷虎皮多少  
包戈鍛丈夫事業史編載君聖臣賢世道昌會  
見匈奴皆款塞

和西涯雨中韻

一雨連三日涼生枕簟秋同雲低隴樹遠水接  
江樓浪跡慙飄泊浮名苦繫留不眠憂稼穡深

願恐難酬

齋居次韻

齋居嚴禮祀燈火坐更深聖德通天道春光眷  
物情百僚遵戒誓三宿致精明上下期昭格寰  
區願順成

月次東坡韻

客中良夜月恍若故鄉明玉鏡光隨滿銀河影  
共橫多情邀我飲故意伴人行天際清如水依  
稀見五城



錦衣獄卧病

落魄嬰三木乾坤此病翁  
擘窗看皎月移榻避斜風  
愁陣攻頭白燈光照眼紅  
蓬萊天咫尺無路可相通

寓程鄉

羈懷隨處遣佳興入春幽  
柳院鶯聲滑江城樹色浮  
暮雨和雲暗春嵐得日收  
閭閻知富庶但恐苦徵求

建溪道中

何處秦關杳扁舟日夜程  
雲低江樹合水漲石磯平  
帆挂秋風影逢敲夜雨聲  
天無南北雁何以慰羈情

秋日漫興

粵國風光好秋來興味饒  
雨添陂澤水風漲海門潮  
暑退塵襟滌霜清瘴氣消  
幾回閒拄杖高咏過溪橋

別王子衡侍御次韻

客裏仍爲別鶯啼似欲畱  
柳牽煙縷恨花帶雨



容愁野樹雲千里江天月一樓何時定携手重  
上鄂君舟

次廖師賢進士十日再登烏石山韻

烏山還命酒兀坐對奇峰遇節須行樂尋幽莫  
厭重寺深松竹護碑古蘚苔封自把犁鋤足清  
時學老農

林泉雜詠

六十餘年夢塵寰萬事非蒼松環我屋黃蝶上  
人衣岩薜牽風細江梅得雨肥花前且命酒清

詠對斜暉

遠雁依萑渚危檣度曉風人行江路上春在鳥  
聲中煙雨來天北雲霞絢海東草衣陶靖節揩  
眼看花紅

不郊望

曉起望郊坰春煙幾抹青海船來港汶野鷺下  
溪汀林麓枝巢鵲陂塘水漫萍漁歌依古岍人  
在隔江聽



泉石野音

謝事歸來早深居遠是非雁銜秋色到鴉帶夕陽歸水落江形瘦山高樹影微行藏宜任理與願不相違

聖節朝賀

一曲鈞天侑九霞長生歲歲慶官家黃金鳩鵲迷雲氣白玉芙蓉駐露華燭影旌旗虬偃蹇星明劔佩蟻橫斜南山願效詩人祝襪線深慙荷寵嘉

入遊圓林寺次韻

蘿薜門深晝亦關紅塵何路到空山高超瀛海三千界遠隔巫峰十二鬟黃菊有情留客醉白雲無事伴僧閒浮名衰髮成遷逐無補清時每汗顏

正德丁卯十月十七日寓恩平行臺

凱還當日費經營三十餘年得太平到處金旗閒夜月誰家砧杵送秋聲黃茅瘴起浮巖巖碧海潮來遶近城最是一般寥落甚晚風疎雨逗



羈情  
黃田道中

陣陣西風吹客舟  
葛衣清爽暑初收  
青山兩岫半含雨  
綠樹一江都未秋  
湖海每憑辰北望  
歲華無奈水東流  
行藏寂寞頻看鏡  
勲業何時願始酬

淮安卽事

淮水湯湯不盡頭  
金城雄峙水安流  
帆檣晚趁人煙岫  
鴻雁冬依菰荻洲  
桂館連雲迷望鳳

簫吹月  
藹高樓  
西風拂拂寒光薄  
到處朱簾不上鈎

無題次劉欽謨韻

簾櫳搖拽五更風  
起看長庚已在東  
楊柳暮煙隋別館  
梧桐夜雨漢離宮  
雲低伏枕愁梳綠  
塵滿香奩懶傳紅  
又是一春虛負却  
幾聲啼鳥夕陽中

沙溪道中

阿儉日日醉仙螺  
春興藉緦可柰何  
水漫溪橋



歷代詩選 明林南淵 卷之五 十一  
分綠遠鳥來山場落紅多東風吹柳千村靜麗  
日行天六幕和老我得歸塵慮息也隨樵叟學  
山歌

正德辛未八月曾宿大安有詩糊粘于壁  
今次其韻

松陰滿地晝庭空高卷朱簾許燕通旅興總歸  
山色外春光半在鳥聲中苔荒石逕千家雨花  
落瑤階幾樹風峭壁四時燠不斷却因何事歎  
飄蓬

韻事秋興

華烈不爲人樹星飄道與宮虛飄

簷褸快爽得餘涼深覺蓴鱸興味長歸雁遠投  
江菼暮釣船清帶渚蘭香風高海國榕猶綠秋  
盡家園橘漸黃村酒醒來還更醉却嫌風月惹  
人狂  
春雨山莊秋興  
帶蒼苔外香新  
暮海驚風  
晴峰曉帶鷓鴣斑碧海茫茫咫尺間夜雨燈前  
孤影在秋風江上幾人還滿償暮景逍遙願衆  
透塵寰夢覺關天外浮雲隨手變青山常伴野



翁閒爽爽關天衣曾雲到手變青山常帶  
和步出西華韻人幾前曾暮景故益懸

晴波東注遠宮坊垂柳依依半負牆鶯語巧含  
春雨膩燕泥清帶落花香浮萍密藻還相礙水  
鴨沙鷗兩不妨緩步却疑非世界蓬萊仙境屬  
吾皇國澌澌黃甘酌酒來歌更酒味熱風日惹

和東彭敷五韻

南郊禮祀又新年獨對寒燈思情然宦跡豈能  
隨事好髮華應不為人憐星躔遙與宮壺應河

漢還同禁署連幾度詩成仍未寫也應羞澀到  
君前

謁文丞相祠

國破天驕萬蟻屯捐軀猶欲正乾坤千年廟貌  
含生氣萬古綱常寄斷魂苔觀白雲封石刻柏  
拖寒雨障祠門陳詞蹠灑汎瀾淚天地酸心日  
月昏

送毛斷事考績還南越

燕山越水望悠悠課最承恩別鳳樓身世流年



雙短髮江湖宦跡一虛舟孤帆細雨黃塘路紅  
樹清霜玉碓秋聞說石門碑未朽憑誰千載企  
前修

和杜少陵秋興

野寺鐘聲晚出林誰家籬竹翠森森蒹葭渚澤  
天無暑促織堂帷月有陰旅雁銜書秦樹杪漁  
翁鼓柁越江心長門深鎮黃昏靜無柰西風送  
遠碓

其二

疎林落落挂斜暉鳥外青山一髮微碧樹未凋  
蟬已老黃蘆纔起雁初飛千頭園橘家相近十  
畝湖田願不違社鼓彭彭村酒美農家歡慶稻  
梁肥

其三

釣船搖洩水西頭午夜風生枕上秋越水芙蓉  
知隱意灞橋楊柳逗羈愁青松庭畔年巢鶴紅  
蓼灘邊午睡鷗白面書生翻自笑曾持三尺奠  
神州



傷秋

鴟鴞聲聲若有聞  
楚絃清切憶湘君  
愁潘髩髮蒼多少  
病沈腰肢瘦幾分  
芙蓉滿園秋競媚  
烏鴉投樹晚成羣  
傷心最是東流水  
千古無情送夕曛  
其三

傷春

坐對青山獨閉門  
悶懷無語廢青樽  
蘭膏芬馥將誰贈  
鶴影伶仃僅自存  
兩鬢星霜餘白髮  
四山煙雨鎖黃昏  
紅飛綠暗鶉聲急  
回首天涯

斷魂

遊春

日暖風香酒再携  
踏春行到亂花蹊  
滿坡細草留人坐  
到處新鶯逗馬嘶  
野逕天低雲在地  
湖塘雨過水平堤  
玉山欹仄君休論  
明日陰晴事不知

春水

溶溶灩灩鏡湖天  
湖上晴光映曉煙  
流盡落花還幾許  
浮平遠樹欲無邊  
碧桃浪暖嘉魚出  
杜



歷代詩選 卷之五 一百九十六  
若汀香野鶯眠欲泛蘭舟和月唱却疑身在武陵源

春閨

落花飛絮擁重門  
嚶嚶啼鶯繞內垣  
羅幕已開天未曉  
珠璣再整日初暄  
簾櫳夕照金蟬躡  
庭院東風寶篆溫  
雁阻衡陽書不到  
可堪惆悵對黃昏

夏仲

熟梅天氣雨霏霏  
山館清涼尚夾衣  
蛺蝶亂叢

沿逕見鴛鴦幾對  
傍湖飛綠槐團影  
當庭院青草和煙上  
釣磯一枕睡餘天  
正午梁間雙燕哺  
雛歸

避暑

無柰炎威侵我急  
閒來掃跡遁虛空  
松亭况遇連朝雨  
竹塢清涵一榻風  
汨汨流泉岩石上  
叢叢芳桂野山中  
頰襟終日憑驅遣  
欹枕難禁午睡濃

中秋

歷代詩選

明林南開

次集卷五七

十七

春



八月今朝十五日煙霞病叟有遐思九秋到此  
平分處百歲于吾強半時好月照懷何皎皎西  
風吹鬢且絲絲生平骯髒知何處且對清光酌  
一卮

斑竹杖

八尺筇身少帶根常扶野老出山村却憐楚玉  
新裁製猶染湘姬舊淚痕天祿藜然煙已息葛  
陂龍化跡空存楊義夢斷無消息九節人間恐  
漫論

藕花

若耶溪上起微波撲撲清香陣陣過蒼玉折殘  
春墮梗碎珠吹散曉翻荷飄搖遠助湘舟楫蕩  
漾輕傳漢女歌菡萏正開天未暑一樽相對竟  
如何

海棠

道是花仙却艷粧誰云梅聘可相方春雨着來  
真有色東風吹盡不聞香廢吟杜老牽情重睡  
足楊妃惹恨長嬌艷若將閒比論風流還合讓



花王  
邊城角  
夜夜榆關索莫聲西風吹散不勝情將軍雉堞

龍蛇動胡虜穹廬感粟鳴月色淒涼寒共到雁

聲嘹唳慘相并離鸞絕谷知多少願得君王念  
遠征

老將

摧鋒破敵手揮戈躩躑渾如馬伏波牙帳連雲  
屯朔漠金笳吹月度關河謀謨久練兵機熟危

險曾經戰陣多淨却狼煙人樂業沙場閒唱太  
平歌

南浦

章江江上暮雲深南楚風光自古今水土夕陽  
鷗泛泛山邊夏日樹陰陰滕王閣廢名空在孺  
子亭高迹未沈依舊封疆人事異不禁惆悵動  
長吟

西湖

四面山光映水光芙蓉到處送風香笙歌畫舫



歷代詩選 明本南問 一百九  
無虛日鷗鷺蒼波自夕陽衰草尚含吳慘淡啼  
鵲空抱宋悲傷看來風景真如畫那得山邊築  
草堂

處士未許外晉徒入海異不崇剛  
松竹蒼蒼映晚霞亂雲堆裏有人家悶臨溪畔  
看流水閒坐庭前數落花日麗鶯聲當戶巧風  
柔燕影掠簷斜幾番勾漏閒尋問欲覓刀圭靜  
養砂

會山人

雲谷深深是我家藤蘿松檜亂交加竹萌蒲莢  
供賓客白飯黃菴度歲華雨過自鋤園裏芋春  
前閒採隴邊茶青山夕照柴門靜芳樹聲聲自  
聽鴉

派子公子

廕敘相傳富貴身耕桑誰識世艱辛叵羅酣笑  
花溪午叱撥閒遊柳陌春翠箔光騰金孔雀錦  
袍香蹴繡麒麟薛濤絳燭歌喉婉祗恐幽歡解  
泥人



歷代詩選  
卷之四  
貧女

髻鬟輕縮亂雲香  
每日寒窗按繡牀  
祇把心腸看寶女  
羞將顏色說何郎  
閒拈彩筆描鸞枕  
笑對茅簷浣布裳  
三月韶光容易過  
却憐鶯燕苦飛忙

夜宴觀妓

絳燭光燒醉綺筵  
笙歌聲裏列瓊仙  
雲鬟高擁橫眉黛  
金鳳斜飛顰髮蟬  
繡幕香騰珠的歷  
錦屏花笑月嬋娟  
何堪却念難長在  
當日劉郎恐

寓言

安貧

一座青山半畝牆  
松花滿地蘚蒼蒼  
蕨芽嫩漂陶盆水  
菰米香浮石鼎湯  
容膝數椽茅草屋  
華身幾襲芰荷裳  
頭顱霜雪心和樂  
日對風花入

醉鄉

驪山

花萼樓前百和香  
伊川曲譜教寧王  
朝元閣在含秋雨  
天寶泉溫帶夕陽  
灞水泊泊人共渡  
秦

歷代詩選

卷之四

次集卷五七

廿一



歷代詩選 明林南淵  
坑落落草空荒前朝舊事知多少都付邯鄲夢  
一場

### 靈巖寺

館娃宮變作禪扉當日吳王迹已非松塲尚存  
麋鹿在草坡空有鷓鴣飛硯山夜靜鐘千杵澤  
水秋深碧四圍紅日西沈鴉正宿村前常見一  
僧歸

### 凌敲臺

落落當途南宋臺行人過此重排徊棹歌古渡

寒潮落葵老荒洲白雁回粉黛盡隨花紅變青  
山空鎖雨崔嵬偏安事業能多少却愛般遊壯  
志摧

高樹叢臺忘翠林夕照餘榮門闕水初興

叢臺之上烏夜啼叢臺之下草淒淒趙王已去  
叢臺在行人路上空栖栖碧樹蟬鳴滹沱北黃  
雲雁度王屋西興亡千古盧生夢芳草斜陽望  
眼迷

### 漫興



把酒對芳春風花能幾度殷勤勸美人竊恐春  
遲暮

雲孤林下雜詠興千古盛主夢芙蓉餘韻

碧草含朝露衰楊弄午風門前一溪流過澗

橋東

高樹秋風急疎林夕照斜柴門臨水听幾簇拒

霜花

山空泉石野音歸安車業餘多少明愛湖遊

小犬吠林顛鶯啼曲檻前山深人少到日擁野

雲眠

石倉十二代詩選

明次集卷五十七

終



百舍斗之外荷選

卷


林南淵

若草合

榆東

高樹秋風

花





程